

ՀԱՆԴԻՊՈՒՄ ԿՈՒՍԱԿՑՈՒԹՅԱՆ ՍՏԵՓԱՆԱԿԵՐՏԻ ՔԱՂԿՈՄՈՒՄ

Մոտ օրերս Մոսկվայում տեղի կունենա ազգամիջյան հարաբերություններին անհրաժեշտ գիտական խորհրդակցություն: Նախապատրաստվում է ազգային հարցին անհրաժեշտ կուսակցության Կենտկոմի պլանումը: Խորհրդակցությանը կմասնակցեն ու ինֆորմացիայով հանդես կգան ԽՍՀՄ ժողովրդական դեպուտատներ, Հայաստանի կոմկուսի Կենտկոմի քարտուղար Գ. Ա. Գալոյանն ու ԼԴԽՖ հատուկ կառավարման կոմիտեի նախագահ Ա. Ի. Վոլակին: Հունիսի 30-ին ընկ. Գ. Գալոյանը ժամանեց Ստեփանակերտ, մոտիկից ծանոթանալու մարզում տիրող իրավիճակին, շփվելու մարդկանց հետ, իմանալու նրանց մտքերը: Կուսակցական դեկավար աշխատողների հետ յուրաքանչյուր հանդիպում մարզկենտրոնում մեծ հետաքրքրություն է առաջացնում: Ներկա դեպքում ևս: Կուսակցության քաղկոմում հավաքվել էին աշխատավորական թուր կոլեկտիվների, բնակչության տարբեր խավերի ներկայացուցիչներ:

Նյարդային, խիստ լարված էր դահլիճը: Երևում է, անհետ չեն անցել մոտ երկու ամիս ձգվող գործադուլները, խորհուրդների համագումարի հալածումը անող օրերը, հունիսի 29-ը... Դահլիճը սպասման, կամքի, հավատի տասնապատկված ուժով (անհավատալի կենսունակ է մեր ժողովուրդը իր գաղափար-պահանջով) փորձում էր պարզել, թե ինչ առաքելություն ունի ՀԿԿ Կենտկոմի քարտուղարը, ինչ պիտի ստի նա մոսկովյան խորհրդակցությունում: Հարցնում էին կարծիքը. կլուծվի՞ դարաբաղյան պրոբլեմը, դիցուք, այն չվճրվեց Լեոնային Ղարաբաղի ու զած ձևով, ի՞նչ դիրք կբռնեն Հայաստանի կառավարությունը, կուսակցական կազմակերպությունը, ի՞նչ ծրագրեր ունեն...

Գ. Գալոյանը երախտիքի ջերմ խոսքեր ասաց ղարաբաղցիների հասցեին, ժողովրդական շարժման մեջ ցուցաբերած անկոտորում կամքի, խոհեմության, ազգային շահերին անհրաժեշտության համար: Նըշեց, որ Հայաստանում քաղաքական թարեփոխվել են ժողովուրդ-կուսակցություն, ժողովուրդ-կառավարություն հարաբերությունները՝ որպես վերակառուցման, դեմոկրատիայի, դրանց ծնունդ ղարաբաղյան շարժման անմիջական արգասիք: Մի անգամ չկրկնեց. Լեոնային Ղարաբաղի պրոբլեմը

համաժողովրդական մտահոգության առարկա է, հարկավոր է պահպանել մեկուկես տարվա զգաստ, արժանապատիվ կեցվածքը, ինքնատիրապետումն ու տոկունությունը, չընկնել ծայրահեղությունների մեջ: Ծարժումը նոր փուլ է մտել, նոր ուղիներ, միջոցներ պիտի որոնել և միշտ հիշել, որ այսօր հաջ ժողովրդի ազգային կարևորագույն, առաջնահերթ խնդիրը ապօրինաբար Հայաստանի կազմից իզլված Արցախի պրոբլեմի լուծումն է՝ ժողովուրդների ինքնորոշման սկզբունքի հիման վրա, «կըլոր սեղանի» շուրջ, խաղաղ երկխոսության շրջանակներում: Իսկ դրան կարելի է հասնել մեր պետության դեմոկրատական հիմքերի կատարելագործման միջոցով:

Առաջին անգամ է Հաղկա կան ԽՍՀ գաղափարախոսության բնագավառի դեկավար աշխատողը լինում Լեոնային Ղարաբաղում: Դրանով պիտի բացատրել քանիցս արժարժված հանրային առատությունը: Մարդիկ ուզում էին լսել նրա պատասխանը, նրա կարծիքը: Ինչ-որ տեղ կար նաև վիրավորվածության, անվստահության մոմենտը. ինչ օգուտ այս հանդիպումից, իսկ ինչ կա այցի ետևում: Կասկածամտությունը հատուկ չէ ղարաբաղցիներին, այդ գիծը ձեռք է բերվել վերջին մեկուկես տարում: Ուղղակի ցավ էս զգում՝ լսելով նրանց. «Ո՞ւմ է պետք է՞ իրենց կուլտուրականությունը», «Հերիք չէ՞ բարձր բարոյական դիրքերից խոսենք, գուցե շահենք՝ մեզ պահելով հարևանների պես»... Թերահավատորեն են տրամադրված դեպի նոր հանձնախումբը, որի խնդիրն է ուսումնասիրել և գեկուցել իրավիճակի մասին... Ինչո՞ւ այդքան անորոշ, ինչո՞ւ հաջ դեպուտատները համաձայնվել են նման ձևակերպմանը: Նո՞ր պիտի ճշմարտությունը բացահայտվի, ինչքա՞ն կարելի է ուսումնասիրել միևնույն հարցը:

«Մենք այնքան լավ զգացինք մեզ, որ Լեոնային Ղարաբաղի պրոբլեմը ուշադրության առնվեց համագումարում»: Այս պատասխանը, բնականաբար, չգոհացրեց ներկայներից: Ա. Վոսսի հանձնախմբի աշխատանքի հետևանքը ԼԴԽՖ հատուկ կառավարման կոմիտեի ստեղծումն էր, կուսակցության մարզկոմի և մարզխորհրդի գործկոմի աշխատանքի դադարեցումը: Ի՞նչ երաշխիք կա, որ վաղը ավելի լավ որոշում կկայացվի և արդյո՞ք, սա վերջին հանձնախումբը կլինի...

Հոգնել են տարուրերումներից:

— Ինչ թվում է, հանձնախմբի ստեղծումը սպառնալիքով է չսխալվելու մտահոգությանը: ԽՍՀՄ Գերագույն խորհուրդը, ԽՄԿԿ Կենտկոմի քաղքյուրոն պիտի կարողանան համոզել երկրին Լեոնային Ղարաբաղի պրոբլեմի արդարացիության և այն լուծելու անհրաժեշտության մեջ, — ասաց Գ. Գալոյանը:

Մարդիկ շօքքցրին իրենց դժգոհությունը Հայաստանի կառավարությանը: Ինչպես թե տարի, ինչպես 1,5 տարի առաջ, նա շարունակում է հենու մնալ Ղարաբաղից, զգուշանում խառնվել նրա ներքին գործերին: Մի պահ չստիազանց անկեղծացավ դահլիճը. ոչ մի դժվարություն չի կոտորի իրենց, բաց անախոր խեղճանում են, որ վերականգնողական աշխատանքները երկրաշարժի գոտում ձգձգվում են, որ քաղաքական կյանքում հակասություններ շատ կան, բազմաթիվ ճանապարհներ, ոչ ֆորմալ կազմակերպություններ, որ ՀԽՍՀ Գերագույն խորհրդի նստաշրջանում սուր վեճեր են ծագում, թվում է, թե պարզ ու հեշտ լուծելի խնդրի շուրջ: Իրենց ուժեղ ու միասնական Հսցառումն է պետք, վճռական՝ գործողություններում:

Վերջին մեկուկես տարում ամենատարբեր ինստանցիաների ներկայացուցիչների հետ բազմաթիվ հանդիպումներ են կայացել Ստեփանակերտում: Ցավոք, դրանք միշտ չեն կոնկրետ, էական որևէ բան տվել: Ինչ տվեց հունիսի 30-ի հանդիպումը այդ տեսակետից: Այն ճշանակալից էր նրանով, որ կարծես թե փոխըմբռնում կայացավ: Մեջքերենք Գ. Գալոյանի խոսքը. «Ես հասկացա, որ դուք մեզ վճռական չեք համարում, որ դուք վճռական գործողություններ եք պահանջում ու սպասում: Ես հասկացա, որ դուք լուրջ դիպուկ կարիք ունեք, որ մեր կապերը պիտի ամրապնդել: Կաշխատենք նորից հանդիպել, կիսվել ձեզ հետ: Թե երբ, չգիտեմ, ամեն ինչ կախված է նրանից, կհաջողվի՞ սերտ կոնտակտների մեջ մտնել նոր հանձնախմբի հետ, թե ոչ»:

Նորից Ստեփանակերտը, մարզը սպասման մեջ են: Առջևում գիտական խորհրդակցությունն է, Ազգությունների խորհրդի հանձնախմբի աշխատանքը մարզում, ԽՄԿԿ Կենտկոմի ազգամիջյան հարաբերություններին անհրաժեշտ պլանումը: Ի՞նչ կտան դրանք...

ԼՅՈՒԳՄԻԱ ՅԱՐՍՅԱՆ